



2023

GODIŠNJI
IZVJEŠTAJ

SADRŽAJ

SAŽETAK.....	1
PARTNERI.....	2
ČITAJ VIŠE, MISLI VIŠE.....	3
PROGRAM ISTRAŽIVAČKOG NOVINARSTVA.....	4
UTIŠANI GLASOVI BH ZVIŽDAČA.....	5
UNAPRIJEĐENO NOVINARSTVO.....	6
MEDIJSKA PISMENOST ZA DJECU: BIRAJMO ŠTA ČITAMO.....	7
POZITIVNE PRIČE U OKVIRU PROJEKTA „PRO-BUDUĆNOST“	8
DIZAJNIRANJE, PROTOTIPIRANJE I EVALUACIJA INTERVENCIJA ZASNOVANIH NA ANALIZAMA PONAŠANJA U CILJU JAČANJA REDOVNE IMUNIZACIJE.....	9
STANDARDNE OPERATIVNE PROCEDURE (SOP) ZA EFEKTIVNO UPRAVLJANJE VAKCINAMA	11
MEĐUSEKTORSKO PARTNERSTVO ZA LJUDSKA PRAVA I RODNU RAVNOPRAVNOST NA TRŽIŠTU.....	13
EKONOMSKO OSNAŽIVANJE ŽENA IZ RANJIVIH I MARGINALIZIRANIH GRUPA U BIH.....	15
RODNA PERSPEKTIVA ZA ODGOVORNE INSTITUCIJE U SEKTORU SIGURNOSTI.....	16
EKONOMSKE I DRUŠTVENE PRILIKE KA NEZAVISNOSTI ZA ŽENE ŽRTVE DOMAĆEG NASILJA.....	18
UNAPREĐENJE SARADNJE INSTITUCIONALNIH I VANINSTITUCIONALNIH PARTNERA U PROVOĐENJU GENDER AKCIONOG PLANA BIH.....	20

SAŽETAK

Tokom 2023. godine Fondacija INFOHOUSE nastavila je raditi na projektima i aktivnostima koje promoviraju ljudska prava i njihovu implementaciju na svim nivoima države i društva, a u skladu sa svojim ciljevima.

U ovoj godini bili smo podrška ženama žrtvama nasilja na području cijele Bosne i Hercegovine u postizanju ekonomske nezavisnosti, kao ključnog elementa borbe protiv porodičnog nasilja.

Uprkos svim izazovima možemo reći da smo nastavili u smjeru onoga čime smo se i do sada bavili: razotkrivanje slučajeva korupcije i promocijom borbe protiv korupcije kroz istraživačke tekstove na našem portalu Interview.ba, rada sa mladima, štiti i promovisali prava žena, radili na temi imunizacije djece, te bili podrška državnim institucijama u smjeru ispitivanja zadovoljstva njihovih korisnika kako bi unaprijedile svoj rad ka transparentnijem i odgovornijem.

Fondacija INFOHOUSE posvećena je jačanju organizacija civilnog društva koje promoviraju zaštitu ljudskih prava, te svojim djelovanjem nastoji uticati na pozitivne demokratske promjene u Bosni i Hercegovini.



PARTNERI

Svi naši rezultati kroz implementirane aktivnosti, bez obzira na naš uloženi napor i trud, ne bi bili mogući bez ogromne podrške donatora i ostalih partnerskih organizacija, stoga se zahvaljujemo svima koji su izabrali Fondaciju INFOHOUSE kao partnera za društvene promjene. Ono što možemo obećati jeste da ćemo nastaviti borbu za ljudska prava, za informaciju kao kisik demokratije, za bolji i jednak položaj svih nas u bosanskohercegovačkom društvu!



Finansira
Evropska unija



USAID
FROM THE AMERICAN PEOPLE



EUROPEAN
ENDOWMENT FOR DEMOCRACY



Projekat kojeg Fondacija INFOHOUSE realizira uz podršku European Endowment of Democracy od februara 2022. u potpunosti je namijenjen jačanju i osnaživanju portala Interview.ba, kojeg je osnovala naša Fondacija.

„Čitaj više, misli više“ usmjeren je na povećanje produkcije sadržaja na portalu, odnosno povećanja vidljivosti na društvenim mrežama i na Google pretraživaču. Rezultiralo je to uvođenjem i video podcasta, novog medijskog sadržaja, a koji je izazvao samo pozitivne reakcije posjetitelja na portalu. Osim aktualnih društvenih, političkih i ekonomskih tema u Bosni i Hercegovini, medijski sadržaji koji se objavljuju u fokusu imaju i ukazivanje na sve gori položaj marginaliziranih skupina u BiH – bilo da je riječ o LGBTIQ populaciji, ženama, Romkinjama i Romima, osobama s invaliditetom, zviždačima ili naprosto osobama koje tražeći pravdu bivaju poniženi i pregaženi od sistema. Interview.ba je direktno svoje sadržaje usmjeravao i na promociju i podršku pravima žena.

Kroz tekstove na portalu Interview.ba, ali i kroz podcaste, realizirane u prvoj fazi trajanja projekta, tražili smo puteve prepoznavanje rodne ravnopravnosti.

U prvom dijelu projekta „Čitaj više, misli više“ na portalu Interview. ba objavljeno je **135** medijskih sadržaja, te **12** video podcasta. Tekuća realizacija projekta podrazumijeva objavu najmanje **60** tekstova.

S ponosom ističemo da su autorice i autori medijskih sadržaja u okviru ovog projekta profesionalci iz cijele Bosne i Hercegovine, te i mladi novinari, koji su svoje prve, važne tekstove imali priliku, upravo kroz ovaj projekat objaviti na našem portalu.



Već 5 godinu za redom portal Interview.ba u vlasništvu Fondacije INFOHOUSE je dio jedinstvenog medijskog poola online medija posvećenih istraživačkom izvještavanju o korupciji, kriminalu i ukazivanju na nezakonitosti.

Osim tekstova, kojima se informira javnost o nezakonitim radnjama, ukazuje se i na koruptivne radnje, ali i pozivaju građani da podignu svijest o jakom prisustvu korupcije u društvu, te djeluju kako bi spriječili ove pojave.

Tokom 2023. objavili smo **10** istraživačkih tekstova, koji su se odnosili direktno na ukazivanje na korupciju i koje su značajno odjeknule u javnosti.

Ukazivali smo na privatizacijsku pljačku još dok je trajao rat u Tuzli, te kako je prodavana „radnička imovina“ za osobne interese:

<https://interview.ba/2022/12/13/privatizacijska-pljacka-u-tk-dok-su-radnici-bili-u-rovovima-vlasti-su-se-bogatile/>

interview | intervj | Tema | Kolona | Akcija | Podcast | SDA | Search

1.5. Imovina za koju se vode aktivnosti provjere i povrata

Već smo naglasili da nije moguće odjednom pokrenuti sve procese za povrat i provjeru pa tako Kantonalna agencija za privatizaciju vodi postupak povrata i provjere informacija za imovinu iz tabele. Naglašavamo da vrijednost imovine u tabeli iskazana sa 0,00 KM za sada je data tako jer nemamo procjena vrijednosti (vrijednost te imovine je višemilionska)

R.B.R.	OPIS IMOVINE	OKVIRNA VRIJEDNOST IMOVINE U KM
1.	Poslovni prostor „Dita“ Turfa, Novi Beograd, Ulica Mihajla Pupina	513.405,37
2.	Poslovni prostor „Polar“ Turfa, Stari Merikator, Novi Beograd	50.000,00
3.	Zemljište i prostori „Turaprevoz“, staro Sajmište, Novi Beograd	1.599.472,17
4.	Poslovni prostor „INZIO“	1716,03
5.	Hotel „FSL“ Lukavac, Međ. procjene, potrebne provjere i vrijednosti (višemilionska)	0,00
6.	Stanovi na prostoru One Gem (rekonstrukcija)	0,00
7.	Poslovni prostor „Polar“, Turfa, Međ. procjene, potrebne provjere i vrijednosti (višemilionska)	0,00
8.	Stanovi „Jabrike“ ude Lukavac-Opština 27, Zagreb.	0,00
UKUPNO		2.056.593,57

TEMA: PRIVATIZACIJSKA PLJACKA U TK: Dok su radnici bili u rovovima, vlasti su se bogatile
 13.12.2022.

Kako se dijeli novac u Kantonu Sarajevo sportskim klubovima koji imaju privatne vlasnike:

<https://interview.ba/2023/07/03/faul-u-zakonu-kako-su-sarajlije-platile-milionska-dugovanja-fk-zeljeznicar/>



TEMA: FAUL U ZAKONU: Kako su Sarajlije platile milionska dugovanja FK Željeznica
 03.07.2023.

Te kako se u KCUS nabavljala skupa medicinska oprema na sumnjiv način:

<https://interview.ba/2023/02/14/javne-nabavke-u-kcus-po-jedan-ponudac-za-uredaje-vrijednosti-4-miliona-km/>



U 2023. godini Bosna i Hercegovina je, prema Indeksu percepcije korupcije, a koju je objavio Transparency International rangirana na 108. mjestu od 180 posmatranih zemalja. Jedina lošija zemlja u Evropi je Rusija. Trenutna pozicija je čini trećom najgorom zemljom u Evropi po pitanju korupcije.

Iako postoji Zakon o zaštiti osoba koje prijavljuju korupciju u institucijama Bosne i Hercegovine, analize stručnjaka, ali i iskustva zviždača pokazali su da oni ne garantuju ni minimalnu zaštitu. Zakon je stupio na snagu 2014. godine i od tada je podneseno 32 zahtjeva za zaštitu. Deset od njih je dobilo status zaštićenog aplikanta. Od tog broja, samo su dva zahtjeva podnesena u Republici Srpskoj. Međutim, gorka je činjenica da se ne može sa sigurnošću potvrditi da je bilo koji zahtjev imao rezultate. Eksperti ističu da se sve manji broj građana odlučuje da postanu zviždači jer su svjedni da nema zaštite sistema, a pritisci koji nastaju kao rezultat prijavljivanja korupcije ili ukazivanja na koruptivne aktivnosti su jaki.

Cilj projekta je bio ukazati na nepovoljan položaj šaptača i nepravdu koju trpe ljudi u Bosni i Hercegovini koji ukazuju na koruptivne prakse. Drugi cilj je podići svijest javnosti o neophodnoj borbi protiv korupcije i važnosti glasova građana u tom procesu.

Kroz 5 analitičkih medijskih sadržaja na portalu interview.ba, javnost je informirana o aktuelnom statutu zviždača, o procesu njihove zaštite, o mogućim poboljšanjima i u zakonu i sistemu, neophodnim da bi se procesi odvijali lakše, češće, uz što manje posljedica za zviždače.

Od medijskih sadržaja posebno izdvajamo priču iz Sarajeva. Riječ je o pet nezaposlenih nastavnica koje više nisu htjele čekati odbijenice. Krenule su u borbu za posao koji zaslužuju. Raskrinkale su namještene konkurse, podnijele prijavu, podnosile upite, urgencije... Ova priča imala je velikog odjeka u bh. javnosti i medijima.

Link na tekst:

<https://interview.ba/2023/02/27/nastavnice-zvzdacice-kako-je-direktor-supruzi-za-8-mart-poklonio-stalni-posao/>

Fondacija INFOHOUSE sa portalom Interview.ba jedna je od izabranih partnerskih organizacija u okviru regionalnog #SustainMedia programa koji provodi GIZ sa svojim partnerima DW Akademie i Internews, a koji finansiraju Evropska unija i njemačko Savezno ministarstvo za ekonomsku saradnju i razvoj, sa projektom pod nazivom „Unaprijeđeno novinarstvo zasnovano na dokazima za nezavisne medije“. Cilj je razvoj novinarskih kapaciteta i formi izvještavanja.

Projekat će omogućiti novinarima_kama iz cijele Bosne i Hercegovine da savladaju ključne vještine iz domena istraživačkog novinarstva, da koriste alate za istraživačko novinarstvo, savladaju osnove data novinarstva, te na koji način tražiti kredibilne činjenice i kako ih provjeravati.

Također, sudionici_će projekta bit će obučavani u savladavanju specifičnosti izvještavanja o temama koje se odnose na kršenje prava žena i manjina u BiH, te na kraju projekta dobiti mentorstvo i podršku za kreiranje završnih istraživačkih tekstova.

Istraživačke priče su slabo zastupljen format medijskog izvještavanja u BiH, najčešće jer su za redakcije najskuplji format, a i najteži za provesti ako je redakcija manjih kapaciteta.

Mogućnosti koje smo prepoznali za realizaciju ovog projekta su brojni – od obuke novinara, poboljšanja njihovog ličnog profesionalnog razvoja, ali i stvaranja poola nezavisnih novinara, koji će razotkrivanjem činjenica, u konačnici, doprinijeti promociji istraživačkog novinarstva, ali i novinara_ki koji se bore za profesionalizam, istinu i činjenice u novinarstvu.

Nakon što prođu radionice i treninge siskusnim ekspertima_cama novinari i novinarke će kreirati medijske sadržaje, koji će građane_ke Bosne i Hercegovine informirati objektivno, tačno i transparentno o svim političkim i društvenim dešavanjima od javnog interesa.



PROJEKAT: MEDIJSKA PISMENOST ZA DJECU/BIRAJMO ŠTA ČITAMO DONATOR: UNICREDIT FONDACIJA

Fondacija Infohouse je od oktobra 2022. do maja 2023. godine realizirala projekat "Medijska pismenost za djecu: Birajmo šta čitamo", u sklopu konkursa UniCredit Fondacije za podršku djeci u svim zemljama u kojima je UniCredit prisutan.

Tokom inicijative Fondacija INFOHOUSE je realizirala tri sesije o medijskoj pismenosti za učenike i nastavnike osnovnih škola u Sarajevu, Zenici i Mostaru, na kojima je bilo oko stotinu sudionika osnovnih škola od 6. do 9. Razreda.

Radionice o medijskoj pismenosti pohađali su učenici Katoličkog školskog centra - Sarajevo, Četvrte Osnovna škola Mostar, te Osnovne škola „Meša Selimović“, koji su izrazili veliko zadovoljstvo zbog sudjelovanja u projektu.

Oni su također pozvali Fondaciju na daljnu suradnju i nastavak obuke učenika i nastavnika o medijskoj pismenosti.

Projekat je finaliziran krajem maja 2023. godine i rezultirao je objavom jedinstvene publikacije koja se odnosi na medijsku pismenost. Publikacija je dostupna u online formi i podijeljena je na adrese više od stotinu osnovnih škola u Bosni i Hercegovini.



Link na publikaciju:

<https://infohouse.ba/wp-content/uploads/2024/04/Podrska-djetinjstvu.pdf?x57702>



Fondacija INFOHOUSE je i u 2023. godini sa portalom Interview.ba sudjelovala u jednogodišnjem projektu PRO-Budućnost, kojeg provodi CRS, a finansijski podržava USAID.

Projekat je baziran na istraživanju pozitivnih priča, čiji je cilj bio jačanje pomirenja, međuljudskih odnosa, ukazivanja na aktivizam mladih, te solidarnost među ljudima, a sve s ciljem afirmiranja i razumijevanja drugih i drugačijih.


Priče koje su objavljene u okviru projekta PRO-Budućnost imale su vrlo pozitivan odjek i reakcije u javnosti, te veliku čitanost na portalu Interview.ba.

Komentari na društvenim mrežama nedvosmisleno su davale podršku ovakvim pričama, te pokazale kako je javnost željna pozitivnih priča koje govore o ljudima spremnim na pomoć, solidarnost, humanost, prijateljstvo.

Ove priče bacile su svjetlost i na drugačiju realnost u kojoj živimo, posebno u lokalnim zajednicama.

Od **18** priča koje smo objavili izdvajamo one koje su čitatelji portala Interview.ba najviše čitali i komentirali:

<https://interview.ba/2023/02/24/pastor-zenelaj-i-doktor-sulejman-zive-u-skladu-sa-sahovskom-parolom-jedan-smo-rod/>



18.02.2023
Pastor Zenelaj i doktor Sulejman žive u skladu sa šahovskom parolom „Jedan smo rod“
18.02.2023

<https://interview.ba/2023/01/05/izvidaci-zenice-i-prijedora-grade-prijateljstva-za-cijeli-zivot/>



18.01.2023
Izviđači Zenice i Prijedora grade prijateljstva za cijeli život
18.01.2023

**PROJEKAT: DIZAJNIRANJE, PROTOTIPIRANJE I EVALUACIJA
INTERVENCIJA ZASNOVANIH NA ANALIZAMA PONAŠANJA U CILJU
JAČANJA REDOVNE IMUNIZACIJE
DONATOR: UNICEF BIH**


Fondacija INFOHOUSE je od juna 2022. do jula 2023. godine učestvovala u provođenju UNICEF-ovog projekta „Dizajniranje, prototipiranje i evaluacija intervencija zasnovanih na analizama ponašanja u cilju jačanja redovne imunizacije“.

Riječ je o regionalnom projektu u koji je uključeno nekoliko zemalja, a koji je UNICEF realizovao u saradnji s organizacijom The Behavioural Insights Team (BIT) iz Londona, dok su se aktivnosti u Bosni i Hercegovini (BiH) ostvarile u saradnji s Fondacijom INFOHOUSE. Projekat se bavio redovnom vakcinacijom djece u BiH, fokusirajući se na imunizacijske procese u TK, naročito na MRP vakcinu, kao vakcinu koja ima najniži procenat zastupljenosti u poređenju s drugim obaveznim vakcinama u BiH.

Realizovane su projektne faze u okviru kojih su upriličena istraživanja i analize podataka, a sa ciljem osmišljavanja intervencija koje će, u krajnjoj liniji, doprinijeti unapređenju procesa redovne imunizacije djece. U sam proces istraživanja bili su uključeni staratelji djece do godinu dana (uzrast u kojem se, po redovnom kalendaru imunizacije, prima MRP vakcina), kao i medicinski radnici s područja TK koji rade u oblasti redovne imunizacije djece.

Anonimno online kvantitativno istraživanje provedeno je na osnovu petodijelnog upitnika. Uzorak od 809 ispitanika (očekivanih 100) rezultat je dobre komunikacije i distribucije online upitnika.

Nakon istraživanja potreba urađene su intervencije za animiranje roditelja da provedu redovnu imunizaciju djece a to su bile animiranje roditelja kroz sms poruke od strane medicinskih radnika, distribuciju informativnih videa i drugog materijala. Posljednja aktivnost su bili javni događaji za roditelje i djecu uz podršku zavoda za javno zdravstvo i UNICEF-a na kojem je učestvovalo više od **1300** roditelja i djece.



**PROJEKAT: DIZAJNIRANJE, PROTOTIPIRANJE I EVALUACIJA
INTERVENCIJA ZASNOVANIH NA ANALIZAMA PONAŠANJA U CILJU
JAČANJA REDOVNE IMUNIZACIJE
DONATOR: UNICEF BIH**

infohouse

100 ZAVOD ZA JAVNO ZDRAVLJE FBiH
INSTITUTE FOR PUBLIC HEALTH FBiH

unicef za svako dijete



UNICEF-ov ured u Bosni i Hercegovini provodio je projekt finansiran od strane USAID-a s ciljem promocije prihvatanja COVID-19 vakcina i jačanja kapaciteta hladnog lanca i logistike u zdravstvenim institucijama zemlje. Nakon završetka procjena Efikasnog Upravljanja Vakcinama (EUV), radne grupe (RG) u Federaciji BiH, Republici Srpskoj i Brčko Distriktu BiH bile su spremne za razvoj Standardnih Operativnih Procedura (SOP) EUV.

U izvođenju ovog rada, naši ciljevi su bili sljedeći:

1. Podržati RG u razvoju SOP-a.
2. Organizirati obuke/sesije s predstavnicima Ministarstva zdravstva, Zavoda za javno zdravstvo i Domova zdravlja u Federaciji BiH, Republici Srpskoj i Brčko Distriktu BiH.

Kako bi se osiguralo glatko provođenje svih planiranih aktivnosti, UNICEF je odabrao Fondaciju INFOHOUSE kao partnersku organizaciju iz BiH kako bi pomogao u sprovođenju planiranih aktivnosti i evaluaciji nakon toga. Planirano trajanje, od aprila do juna 2023. godine, produženo je s odobrenjem UNICEF-a do kraja jula 2023. godine, zbog ušteda na stavkama budžeta za obuku i izraženih potreba korisnika za dodatnom obrazovnom obukom.



Kroz **14** održanih radionica, ukupno je učestvovalo **368** zdravstvenih radnika, od čega ukupno **222** zdravstvena radnika iz Federacije BiH, **118** iz Republike Srpske i **28** iz Distrikta Brčko. U edukacijama su učestvovala **272** žene i **96** muškaraca.

PROJEKAT: STANDARDNE OPERATIVNE PROCEDURE (SOP) ZA EFEKTIVNO UPRAVLJANJE VAKCINAMA U FEDERACIJI BIH, REPUBLICI SRPSKOJ I BRČKO DISTRIKTU BIH
DONATOR: UNICEF BIH

Kao finalne aktivnosti u sklopu projekta, izrađeni su video tutorijali sa ekspertima iz oblasti zdravstva, te su održana dva događaja pod nazivom "Porodični dan", čiji je osnovni cilj bio približiti roditeljima i starateljima sve benefite koje redovna imunizacija donosi. Video tutorijali su snimljeni u prostorijama Instituta za javno zdravlje Republike Srpske u Banja Luci, dok su događaji održani u Tuzli i Brčkom u partnerstvu sa Zavodom za javno zdravlje Tuzlanskog kantona i Pododjeljenjem za javno zdravlje Vlade Brčko Distrikta Bosne i Hercegovine.

Program događaja sastojao se od niza edukativno informativnih i zabavnih aktivnosti. Privukao je više od **500** posjetilaca, djece i roditelja/staratelja koji su imali priliku komunicirati i prikupljati bitne informacije koje se tiču zdravlja djece, ishrane, rasta i razvoja. Zdravstveni radnici uključeni u oba događaja osigurali su tačne i pouzdane informacije kako bi vratili povjerenje dijela roditelja u imunizaciju.



Fondacija INFOHOUSE iz Sarajeva u suradnji s Fondacijom Lara iz Bijeljine, 1. februara 2023. godine započela je sa provedbom projekta "Međusektorsko partnerstvo za ljudska prava i ravnopravnost spolova pri radu." Projekat u okviru programa „Tematski program o ljudskim pravima i demokratiji 2021“ financira Evropska unija.

Opći cilj projekta (2023–2025) je doprinijeti smanjenju diskriminacije žena na tržištu rada promovišući i štiteći ekonomska i socijalna prava žena i jačajući proces EU integracija.

Specifični ciljevi su:

Olakšati implementaciju procesa dubinske analize ljudskih prava u bh. preduzećima kao mehanizma za izjednačavanje položaja žena u radu i smanjenju slučajeva kršenja njihovih ljudskih prava.

Poboljšati provedbu BiH Zakona o ravnopravnosti spolova i drugih politika koje za cilj imaju jačanje rodne ravnopravnosti u skladu s predstojećom inicijativom o dužnoj pažnji za održivo poslovanje.

U okviru prve godine projekta urađena je i jedinstvena studija pod nazivom "STUDIJA O STANDARDIMA I POLITIKAMA RODNE RAVNOPRAVNOSTI NA POSLOVNOM TRŽIŠTU RADA".

Link na studiju:

<https://infohouse.ba/projects/studija-o-standardima-i-politikama-rodne-ravnopravnosti-na-poslovnom-trzistu/>



Projektnim aktivnostima će se unaprijediti ravnopravnost spolova u radu u 10 preduzeća u BiH, čime će se stvoriti bolje radno okruženje za najmanje 200 zaposlenih žena. Također, razvit će se i učiniti dostupnim IT alat za prijavu kršenja radnih ljudskih prava u odnosu na zakonodavstvo BiH, kao mjeru u stvarnom vremenu za zaštitu i sprječavanje diskriminacije žena na tržištu rada, koja ima veliki potencijal za daljnje širenje u preduzećima diljem BiH.

Kroz projekat će se nastojati ostvariti suradnja sa državnim institucijama, lokalnim kompanijama, organizacijama civilnog društva te medijima, u cilju postizanja većeg efekta projekta.

Očekivani rezultati koji se planiraju postići uključuju:

- Uslovi rada u skladu sa zakonima i konvencijama o ravnopravnosti spolova unaprijeđeni za najmanje 200 žena u projektnim kompanijama
- 10 kompanija je unaprijedilo svoje interne politike u skladu sa zakonima o rodnoj ravnopravnosti i ljudskim pravima, te EU direktivama

Iako žene u BiH čine 50,9% stanovništva (u poređenju s 49,1% muškaraca), njihovo učešće u plaćenom radu je značajno niže (udio ženske populacije među nezaposlenim iznosi 57,5% – 213,936).

Agencija za ravnopravnost spolova BiH navodi da postoji „vidljiva razlika u platama između muškaraca i žena razlike u satnici se procjenjuju na 9% na štetu žena“. Djevojke i žene su često izložene direktnoj diskriminaciji pri zapošljavanju, postavljaju im se nedopustiva pitanja o planiranju porodice i mogućoj trudnoći. Isto tako **40%** žena je izloženo nekoj vrsti seksualnog uznemiravanja na poslu.

Žene se na tržištu rada suočavaju s višestrukom diskriminacijom (uključujući, ali ne ograničavajući se na seksualno uznemiravanje, potplaćenost, umanjeње porodiljskih prava, itd.).

Također nemaju dostupnu institucionalnu podršku ili mehanizam zaštite zbog toga što preduzeća ne provode pozitivno BiH zakonodavstvo i zbog neefikasne kontrole relevantnih inspekcija (tj. inspekcije rada).

Projekat će osigurati korist za ciljane žene, ali će postaviti temelje za dugoročne koristi za sve zaposlene žene na osnovu dobrih praksi koje se mogu proširiti.

PROJEKAT: EKONOMSKO OSNAŽIVANJE ŽENA IZ RANJIVIH I MARGINALIZIRANIH GRUPA U BIH
DONATOR: JT INTERNATIONAL AD SENTA

Zahvaljujući sredstvima donatora JT INTERNATIONAL AD SENTA, Fondacija INFOHOUSE je drugi put za redom raspisala Javni poziv za organizacije posvećene preduzetništvu i ekonomskom jačanju žena iz ranjivih kategorija društva.

Ekonomsko osnaživanje žena je program koji Fondacija provodi već niz godina a prošlogodišnja akcija za dva ženska udruženja Udruženje "JADAR" iz Konjević Polja i Udruženje žena "NERA" iz Konjica, koju je podržao također JTI, rezultirala je obezbjeđenjem znanja, vještina i oprema za više od 70 nezaposlenih žena u ova dva grada!

Ove godine Fond za Javni poziv iznosio je 23.470 BAM. Aneksom ugovora, donator je dodijelio dodatna sredstva u iznosu od 5.700,00 BAM tako da je ukupan iznos 29.170,00 KM.



Zahvaljujući sredstvima, otvorena su vrata ka ekonomskoj neovisnosti za **97** žena, članica udruženja. Po završetku projekta 31.1.2024. godine, procjene udruženja su da će broj korisnica na godišnjem nivou biti i preko **150** žena. Ovaj podatak je pokazatelj kako su svi projekti obuhvaćeni ovim Fondom, projekti koji su održivi i u budućnosti te će broj žena korisnica rasti. Jedan od takvih primjera je projekat Udruženja "Zvijezda" iz Vareša, gdje žene korisnice za zadatak imaju dalju obuku po minimalno 5 žena u oblasti šivanja i krojenja. Kada je u pitanju medijska podrška, ukupno su bile **33** objave, od čega 16 na web portalima i 17 objava na društvenim mrežama. Pored toga, vijest o aktivnostima Udruženja "Pčelica" objavljena je u dnevnoj informativnoj emisiji na kanalu TV Živinice u dva termina, kao i objava o aktivnostima Udruženja "Jadar" na radio stanici "Radio Magic".



Uspostavljanjem Koordinacijskog odbora za ravnopravnost spolova 2020 (Odbor), Ministarstvo sigurnosti je potvrdilo svoju predanost rodno osviještenoj politici. No, uprkos najboljoj volji, Koordinacijski odbor nije imao finansijskih i ljudskih resursa da na adekvatan način odgovori svim institucionalnim obvezama vezanim za Zakon o ravnopravnosti spolova BiH. Fondacija INFOHOUSE tokom realizacije projekta pomogla je Odboru da izgradi svoje znanje i bazu podataka. Ova saradnja između vladine i nevladine organizacije pomogla je integraciji rodne perspektive u sektor sigurnosti. Prva značajna aktivnost bila je izrada Studije - Analiza rodne ravnopravnosti u sektoru sigurnosti.

Cilj analize bio je prikupiti informacije o stavovima, iskustvima i potrebama dužnosnika Ministarstva sigurnosti BiH u vezi s diskriminacijom, seksualnim uznemiravanjem, rodno temeljenim uznemiravanjem i mehanizmima za ostvarivanje rodne ravnopravnosti unutar Ministarstva.

Link na Analizu stanja u oblasti ravnopravnosti spolova u Ministarstvu sigurnosti Bosne i Hercegovine:

<https://infohouse.ba/wp-content/uploads/2023/10/Analiza-stanja-u-oblasti-ravnopravnosti-spolova-u-Ministarstvu-sigurnosti-Bosne-i-Hercegovine.pdf?x77616>



Na temelju preporuka iz Analize i na temelju ovlasti dodijeljenih Odboru od strane Ministra sigurnosti, osmišljena su dva treninga za članove Odbora:

a) Radionica na temu "Rodna perspektiva odgovorne institucije u sektoru sigurnosti" održana je u Sarajevu 12. aprila 2023. Predavači_cce su bili Samra Filipović Hadžiabdić, direktorica Agencije za ravnopravnost spolova/MHRBiH i Mirsad Ahmić, brigadir general, Ministarstvo obrane BiH/Generalna inspekcija/ Glavni inspektor.

b) Radionica o "Rezoluciji 1325" održana je u Sarajevu 18. maja 2023. Predavač doc. dr. Midhat Izmirlija prezentirao je temu "Rezolucija 1325 i akcije za postizanje potpune rodne ravnopravnosti u kontekstu prevencije i rješavanja sukoba, izgradnje mira i obnove", kroz koju je istaknuo pet ključnih obveza BiH, približio sudionike Akcijskom planu 1325 i njegovoj korelaciji s obvezama i mandatom Ministarstva sigurnosti BiH.

Kako bi se učinkovito radilo, unutar Koordinacijskog odbora formirana je radna grupa za stvaranje mehanizama/alata za uvođenje rodne ravnopravnosti u rad Ministarstva sigurnosti. Imajući na umu potrebe Ministarstva, kao i preporuke iz Analize, mehanizam Politike rodne ravnopravnosti Ministarstva sigurnosti BiH odabran je kao prvi dokument/mehanizam za uvođenje normi rodne ravnopravnosti.

Uz podršku Fondacije, radna grupa je pripremila prvi nacrt politike, u skladu s pravnim okvirom BiH, kao i obvezujućim međunarodnim konvencijama. Politika rodne ravnopravnosti MSBiH je usvojena 31.10.2023. godine.

Drugi dokument koji je urađen jeste Uputstvo za korištenje rodno senzitivnog jezika u Ministarstvu sigurnosti BiH.



**PROJEKAT: EKONOMSKE I DRUŠTVENE PRILIKE KA NEZAVISNOSTI
ZA ŽENE ŽRTVE DOMAĆEG NASILJA
DONATOR: DELEGACIJA EVROPSKE UNIJE U BIH**

Projekat "Ekonomske i socijalne prilike prema neovisnosti žena, žrtava porodičnog nasilja", tokom svojih 30 mjeseci trajanja, pružio je 18 ženama, žrtava nasilja, ekonomske i socijalne prilike koje su poboljšale njihovu finansijsku neovisnost od počinitelja nasilja. Omogućio je ženama ponovno upisivanje u škole, zarađivanje prihoda za svoj i život svoje djece te obnavljanje vjere u sebe i svoje sposobnosti.

Unatoč negativnim utjecajima vanjskih faktora, tim projekta uspio je održati dinamiku projekta uglavnom unutar planiranog vremenskog okvira i s očekivanom kvalitetom isporučenih rezultata. Konkretnije, projekt je pružio ženama, žrtvama nasilja iz većine postojećih skloništa u BiH, ekonomske i socijalne prilike koje su poboljšale njihovu finansijsku neovisnost od počinitelja nasilja i omogućile ženama žrtvama porodičnog nasilja da ostvare vlastiti prihod (većini njih prvi put u životu) i planiraju svoj i život svoje djece. Pokrenuli smo procese izrade politika za daljnje poboljšanje zakonodavstva BiH u vezi s prevencijom i zaštitom od rodno-zasnovanog porodičnog nasilja.



**PROJEKAT: EKONOMSKE I DRUŠTVENE PRILIKE KA NEZAVISNOSTI
ZA ŽENE ŽRTVE DOMAĆEG NASILJA
DONATOR: DELEGACIJA EVROPSKE UNIJE U BIH**

**BIZNISOM DO
NEZAVISNOSTI**

OSNOVE POKRETANJA BIZNISA
ZA ŽENE ŽRTVE NASILJA

Link na brošuru:
[https://infohouse.ba/
/projects/biznisom-
do-nezavisnosti-
osnove-pokretanja-
biznisa-za-zene-
zrtve-nasilja/](https://infohouse.ba/projects/biznisom-do-nezavisnosti-osnove-pokretanja-biznisa-za-zene-zrtve-nasilja/)



Link na video:
[https://www.facebo
ok.com/Fondacijaln
FOHOUSE/videos/10
90934868438363](https://www.facebook.com/FondacijaINFOHOUSE/videos/1090934868438363)

**PROJEKAT: UNAPREĐENJE SARADNJE INSTITUCIONALNIH I
VANINSTITUCIONALNIH PARTNERA U PROVOĐENJU GENDER
AKCIONOG PLANA BIH**

**DONATOR: VLADA ŠVEDSKE/MEĐUNARODNA RAZVOJNA AGENCIJA
ZA SARADNJU (SIDA) I GENDER CENTAR VLADE FBiH**

Ravnopravnost polova je jedno od osnovnih ljudskih prava, garantovano međunarodnim i domaćim ugovorima i zakonima. Zakon o ravnopravnosti spolova u BiH je utvrdio obaveze svih institucija vlasti da poduzmu odgovarajuće i potrebne mjere radi provođenja odredbi propisanih ovim Zakonom i Gender akcionim planom Bosne i Hercegovine. Da bi preuzete obaveze bile ispunjene, institucije vlasti moraju uspostaviti i sprovesti aktivne javne politike i strateške mjere za postizanje ravnopravnosti spolova. Integracija standarda ravnopravnosti spolova u sve oblasti društvenog života (gender „mainstreaming“) nije samo obaveza institucija za ravnopravnost spolova, već svih nadležnih institucija koje su dužne uvoditi i primjenjivati ove standarde u svom djelokrugu rada.

Nakon potpisivanja ugovora, INFOHOUSE je pristupio angažmanu stručnjakinja i stručnjaka sa dugogodišnjom ekspertizom u izradi javnih politika za rodnu ravnopravnost. Utvrđene su uloge i odgovornosti u izradi Operativnog plana za provođenje Gender akcionog plana u Bosni i Hercegovini za područje FBiH.

Nakon potpisivanja ugovora, INFOHOUSE je pristupio angažmanu stručnjakinja i stručnjaka sa dugogodišnjom ekspertizom u izradi javnih politika za rodnu ravnopravnost. Utvrđene su uloge i odgovornosti u izradi Operativnog plana za provođenje Gender akcionog plana u Bosni i Hercegovini za područje FBiH.



**PROJEKAT: UNAPREĐENJE SARADNJE INSTITUCIONALNIH I
VANINSTITUCIONALNIH PARTNERA U PROVOĐENJU GENDER
AKCIONOG PLANA BIH**

**DONATOR: VLADA ŠVEDSKE/MEĐUNARODNA RAZVOJNA AGENCIJA
ZA SARADNJU (SIDA) I GENDER CENTAR VLADE FBIH**


Proces izrade formata operativnog plana za provođenje GAP-a uključivao je široku participaciju relevantnih učesnika iz cijele FBIH. Uključeni su predstavnici vlade na svim razinama, nevladinih organizacija, akademske zajednice, privatnog sektora i ostalih relevantnih institucija. Metodologija je uključivala sljedeće korake:

1. Analiza postojećeg GAP-a: Provedena je temeljita analiza postojećeg GAP-a kako bi se identificirali njegovi snage, slabosti, prilike i prijetnje. Ova analiza je obuhvatila pregled postojećih aktivnosti, postignuća i izazova u provođenju GAP-a.

2. Analiza postojeće strateškog okvira institucija FBIH uključujući i analizu budžeta

3. Definiranje ciljeva i prioriteta: Na temelju analize postojećeg GAP-a i povratnih informacija učesnika, definirani su ciljevi i prioriteta za provođenje GAP-a. Postavljene su SMART (specifične, mjerljive, dostižne, relevantne i vremenski ograničene) mete kako bi se osiguralo praćenje napretka i postizanje rezultata.

4. Izrada operativnog plana: Na temelju definiranih ciljeva i prioriteta, izrađen je format operativnog plana koji uključuje detaljne aktivnosti, odgovorne aktere, rokove, resurse i indikatore napretka. Operativni plan je strukturiran prema sektorima i tematskim područjima relevantnim za GAP.



**PROJEKAT: UNAPREĐENJE SARADNJE INSTITUCIONALNIH I
VANINSTITUCIONALNIH PARTNERA U PROVOĐENJU GENDER
AKCIONOG PLANA BIH**

**DONATOR: VLADA ŠVEDSKE/MEĐUNARODNA RAZVOJNA AGENCIJA
ZA SARADNJU (SIDA) I GENDER CENTAR VLADE FBIH**

Provedene aktivnosti rezultirale su izradom formata operativnog plana za provođenje GAP-a u Bosni i Hercegovini. Format operativnog plana sadrži jasno definirane elemente za ciljeve, aktivnosti i rokove te identificira odgovorne aktere i potrebne resurse za njihovu provedbu. Također su predloženi indikatori napretka koji će se koristiti za praćenje i vrednovanje ostvarenih rezultata.

Kreiran je i koncept konsultacija sa ključnim učesnicima, federalnim institucijama i nevladinim organizacijama u procesu izrade Operativnog plana za provođenje Gender akcionog plana u Bosni i Hercegovini za područje FBIH. Izrađeni su i materijali za radionice koje uključuju koncept radionice, dnevni red, liste učesnika i prateće materijale (PPT i handouts).

Koncept radionica uključuje tri radionice:

- Radionica sa federalnim institucijama
- Radionicama sa ključnim nevladinim organizacijama
- Zajednička radionica između federalnih institucija i nevladinih organizacija

Ukupan broj učesnika na pomenute tri radionice bio je **70**, od tog broja ukupno **55** žena i **15** muškaraca.

U okviru aktivnosti izrade Operativnog plana za provođenje GAP BIH za područje FBIH, uspješno je izrađena konačna verzija plana. Konačna verzija plana sadrži detaljne smjernice, ciljeve i mjere za postizanje ravnopravnosti spolova na području FBIH. U procesu izrade konačne verzije svoje pisane sugestije za operativni plan je dostavilo 11 institucija i 10 nevladinih organizacija (IC lotos, HUB, SOC, Privredna komora FBiH, Dignitet Mostar, Amica Educa i Horizonti Tuzla, Nešto više i Fondacija INFOHOUSE).

Tokom posljednje faze projekta implementirana je i medijska promocija izrade Operativnog plana GAP za Federaciju putem serijala tematskih tekstova objavljenih na portal Interview.ba.

- <https://interview.ba/2023/06/30/rodna-osvijestenost-kao-imperativ-za-obrazovne-ustanove-u-federaciji-bih/>
- <https://interview.ba/2023/07/01/zene-su-nositeljice-razvoja-turizma-u-fbih/>
- <https://interview.ba/2023/06/01/kako-smanjiti-rodni-jaz-na-trzistu-rada-u-federaciji-bih/>

DIVERSITY

EQUALITY

INCLUSION



<https://www.facebook.com/FondacijaINFOHOUSE/>



<https://www.instagram.com/infohouse.ba/>



<https://infohouse.ba/>

Sarajevo

